

dulis cum CCC. Civibus Lucanis (quod castrum erat prope Blentinam) de quibus postea Pisani rehavuerunt omnes suos carceratos, qui erant Lucæ. Ad quod castrum vincendum Pisani fuerunt cum quinquaginta navibus, plattis, & schafis, & cum XII. manganis ordinatis in plattis, cujus castri habitio fuit Anno Domini 1148. nono Calend. Aprilis in die Lunæ Sancto. Et cum carceratis & spoliis exercitus rediit Pisam. Tunc etiam Pisani sub Anno Domini 1149. stantibus Lucensibus & Pistoriensibus ad obsidionem dicti castri de Vurno, devicerunt castrum de Monte di Castello, & S. Gervasii, & omnia alia castra de Valle Heræ tunc habuerunt. Et in festo S. Matthæi per magnum prius præhabitu bellum ac prælium castrum de Planiffili devicerunt, ipsumque diruentes funditus, homines Pisas & spolia cum gaudio reduxerunt. Et in summa dicendo, immanissima & damnosissima, antequam Lucenses Vurnum recuperarent, & continua guerra fuit; & quamvis utraque pars plurima inde damna subierit, Pisani tamen gavisi sunt, quia in vindictam hoc fecerunt de Castello Aginulfi.

Anno 1146. Balduinus fuit electus Archiepiscopus Pisanus.

Anno 1150. Lucenses apud flumen Cascinæ à Pisanis capti fuerunt, & magna pars eorum mortua. Anno verò sequenti, tempore Domini Eugenii Papæ III. Romani confirmaverunt pacem cum Pisanis.

Anno 1153. XII. Calendis Novembris de nocte major pars Kinsicæ fuit combusta, & eodem Anno fuit omnium victualium maxima carestia. Tempore Eugenii Senatus renovatur in alma Urbe.

Anno 1154. Fundatus est primus gyrus Ecclesie Sancti Johannis, Cionetto Cionetti, & Enrico Cancellario operariis existentibus. Qui Cionettus in Sardiniam pluries ivit, & reduxit de S. Reparata columnas.

Anno 1155. Fredericus Imperator die S. Michaëlis de Septembrio fuit in Roncalia, & misit pro Nunciis omnium civitatum Imperii. Et ipso Anno Tortonam obsedit, & destruxit; & sequenti Anno in mense Junio Romam venit, & Coronam Imperii ab Adriano recepit. Et præliatus est in Porticu Sancti Petri cum Romanis, ubi eos devicit, occidit, & in flumine multos demersit, & plures vinculis mancipavit. Exinde civitatem Spoletinam devicit, & expoliavit; & regratiatis multum Pisanos, qui cum eo fuerunt, de mense Septembris in Alemanniam est reversus.

Anno 1156. Guilielmus Rex Siciliæ in magnam infirmitatem cadens, per tres menses ita aggravatus est, ut mortuus ab omnibus crederetur, & totum Regnum perdidit; sed liberatus, in tribus mensibus revicit totam Siciliam Insulam. Postea in mense Maji cum maximo exercitu ivit in Apuliam, quam Barones tenebant, inter quos Barones erat Dominus Robertus Princeps Capuanus; qui Barones Apuliam recuperaverunt contra ipsum Regem Guilielmum cum auxilio Constantinopolitani Imperatoris, qui eis miserat galæas XXX. hominibus & thesauro bene armatas. Et sic ipse Rex Guilielmus ipsos postea Barones devicit, & recuperavit Apuliam, & destruxit Barim, & Robertum Principem supradictum cepit. Unde victoriam de tota Apulia complevit in mensibus Maji, & Junii triumphanter.

A Eodem Anno in Consulatu Cocchi in mense Julio & Augusto Pisani fecerunt Barbacanes circa Civitatem, & Kinsicam muraverunt à Turre, ubi posuerunt Leonem marmoreum, usque ad Turrim supra Pontem Ausenis. In subsequenti verò Anno, mensibus Februario, & Martio, & Aprile circumierunt Civitatem Castellis, & Turribus ligneis, & Berteschis pro timore Frederici Regis Romam venientis.

Anno 1157. In Consulatu ejusdem Cocchi à Mense Aprilis incipientes Pisani usque ad S. Zenonem muraverunt Civitatem, & usque ad Portam Calcisanam, & fecerunt foveam à Monte Pisano usque Pisas; & omnia Civitatis negotia ipso Anno viriliter tractaverunt, & ex tunc annuatim muraverunt Civitatem.

B Anno 1158. Sexto Calendis Aprilis. Natus est puer in Comitatu Bononiæ in Veneris die Sancto cum barba & dentibus, & pilosus totus. Eodem Anno pridie Calend. Augusti cecidit grando maxima super terram Bononiæ, quæ omnia destruxit, homines, & pecudes interfecit; quæ grando fuit varii generis, quadrata, rotunda, & cornuta in magnitudinem ovi anseris. Eodem Anno facta est Turris Meloriæ.

Anno 1158. Supradictus Coccus Consul in Portu Magnali duas Turres fecit; & Fontem ad Sanctum Stephanum pro navigantium utilitate construxit. Sed ipsæ duæ Turres non fuerunt completæ usque ad Annum 1165.

C Eodem Anno 1158. Fuerunt Pisis combustæ Turres, à domo & via Guidonis quondam Tedicii usque ad Turres Petri Albitonis, & omnes ceciderunt, ubi mortui sunt Simon de Parlaschio, Henricus Uguccionis Villani, Vecchius Bonacii, qui tunc erant Provivores, & alii. Unde de mandato Consulom omnia Ballatoria juxta Arnun destructa sunt.

Anno eodem Guilielmus Rex Siciliæ quarto Cal. Octobris magnum fecit stolum CLX. Galearum, & XXIV. Dromonum, qui portaverunt 4000. milites. Quem stolum misit prædictus Rex de mense Junii contra Imperatorem Constantinopolitanum, & pervenit Negropontem, ibique invenit stolum Imperatoris, ipsumque devicit & cepit, & etiam cepit ipsam Civitatem de Negroponte, eamque destruxit; & stolum Imperatoris combussit. Mox etiam Civitatem Almiro cepit, & Sanctum Jacobum cum Turre Pisanorum & ipsum combussit, & magnam partem Romaniam destruens, Imperatorem quoque ipsum tristem, & pavidum relinquens, de mense Septembris stolum prædictus cum maximo triumpho ad suum Regem Guilielmum in Siciliam reversus est.

D Anno 1159. In quarto Consulatu Cocchi, Pisani se in murano semper intenti, fecerunt quinque galæas ad guardiam maris, & fossam magnam in Leporare à Cornia usque prope Petrariam de Tusi, quæ fuit perticas 1500. & tres columnas magnas pro Opera Sancti Johannis de Ylba ad dictam Ecclesiam portaverunt. Eodem Anno fecerunt treguam per decennium inter se, & Comitem Guidonem, & Senenses, & Pistorienses, & Comitem Albertum de Prata ex una parte, & Lucanos, Florentinos, Pratenfes, & Capitaneos Garfagninos ex alia, pro XX. Annis. Ordinaverunt Pisani pacem inter prædictos suos Confocios, & Lucanos, cujus pacis sententia lata fuit per Pisanos & Lucanos die Assumptionis Sanctæ Mariæ. Unde, quia Pisani suos non dereliquere.